
ՔՈՒՉԱԿ - 1 ԴԱՄԲԱՆԱԴԱՇՏԻ ՄՇԱԿՈՒՅԹԸ
(Մ.Թ.Ա. IX-VI ԴԴ.)

ՊԵՏՐՈՍՅԱՆ Լ. Ա.

Քուչակ-1 հնավայրը գտնվում է Արագածոտնի մարզի Քուչակ գյուղի հյուսիս-արևելյան կողմում, 5 կմ հեռավորության վրա: Այն ներկայացնում է Քասախ գետի աջ բարձրադիր ափին տեղակայված ամրոց-բնակատեղին և նրա հյուսիսային ու հյուսիս-արևելյան կողմերում սփռված դամբարանադաշտը: Վերջինիս մեծ մասն այժմ զբաղեցված է վարելահողերով: Դամբարանները, որոնք պահպանվել են միայն վարելահողերի միջև ու շրջապատի անմշակ, քարքարոտ տարածքներում, գտնվում են գետնի մակերևույթին՝ 2,5-7 մ տրամագծով կրոմլեխների տեսքով, որոնց լիցքերը տարածքի թեքության պատճառով հողմահարվել են:

1984 և 1986 թթ. մեր պեղած N 21 և 41 դամբարանները՝ պատկերացում են տալիս Քուչակ-1 դամբանադաշտի երկաթի դարաշրջանի ավարտական փուլի մշակույթի մասին¹:

N 21-ը գտնվում է հեղեղատի աջ կողմում: Այն 6 մ տրամագծով կրոմլեխ էր: Սալարկղային դամբանախուցը ծածկված էր 4 անմշակ սալաքարերով և ուներ $3,5 \times 1 \times 0,8$ մ չափեր: Այստեղ եղած 15 մարդկային գանգերն ու կմախքի ոսկորները, գրեթե նույնքան էլ կենդանիների մնացորդները հայտնաբերվեցին խառը վիճակում: Նման վիճակում էին նաև դամբարանում դրված ուղեկ-ցողայլ նյութերը՝ խեցեղենը, մետաղը, զարդարանքի առարկաները և այլն: Դա վկայում է դամբարանի թալանված լինելու մասին: Հատկապես խեցեղեն արտադրանքը թալանի պատճառով գրեթե ամբողջությամբ բեկորային վիճակում էր: Այնուամենայնիվ, հնարավոր եղավ առանձնացնել որոշ քանակությամբ ամբողջական և բեկորային նյութեր (աղ. I-IV):

N 41-ը – գտնվում է ոչ վաղ անցյալում մշակովի, իսկ այժմ անմշակ տարածքում: Այն գետնի մակերեսին 7,5 մ տրամագծով կրոմլեխ է: Դամբանախուցը ծածկված էր չորս անմշակ սալերով, որոնց ստորին մակերեսին կպած դուրս եկան շղթայով իրար միացված, բրոնզե գնդիկներից կազմված կախիկ-զարդեր, բրոնզե թիթեղից պատրաստված խողովականման զարդեր, մեկ սափոր-բաժակ և մեկ քրեղան: Պեղված դամբարանի $2,2 \times 1 \times 0,7$ մ չափերի՝ հյուսիս-արևելք, հարավ-արևմուտք ուղղված սալարկղ է, որի նեղ՝ ընդլայնական պատերից հյուսիս-արևելյանը հիմնահողային է, իսկ հակառակ կողմինը շարված է փոքր քարերով, որը հավանաբար կատարել է մուտքի դեր:

¹ Այս մասին տե՛ս **Պետրոսյան Լ.**, Քուչակի նախնադարյան հուշարձանները, հնագիտական աշխատանքները Հայաստանի նորակառույցներում I, Ե., 1993, էջ 61-65:

Ծածկասալերի ծանրության տակ, դամբարանի արևելյան պատի հյուսիսային հատվածի կողային սալերը, ստորին եզրերով քերելով դամբարանի հատակը, վեր էին բարձրացրել վերը նշված նյութերը: Դամբանախցի հակառակ կողմի կողային սալերն իրենց վերնամասով թեքված էին դեպի ներս, որի հետևանքով այստեղ դրված ուղեկցող նյութերը ամբողջական էին: Ներկայացվող դամբանախցի ներսի խոնավության պատճառով անհնար էր որոշել այդտեղ թաղված երկու հանգուցյալների կմախքների դիրքը: Դրանցից մեկի մնացորդները գտնվեցին դամբանախցի հյուսիս-արևելյան, իսկ մյուսը՝ հյուսիս-արևմտյան կողմում: Վերջինիս կրծքամասում գտնվեց 20 սմ տրամագծով մանյակ, որից կախված էին արծաթե զանգակաձև կախիկ-զարդեր և երկու շարք խողովականման զարդեր, որոնցից քիչ դեպի հարավ բացվեցին հիշատակված բրոնզաձույլ գնդիկներից կազմված զարդերը: Այդտեղ գտնվեցին նաև քարից, շաղախից և այլ նյութերից պատրաստված մեծ քանակությամբ տարատեսակ ուլունքներ (աղ. V-IX): Հավանաբար, նշված զարդերը կախված են եղել վզից կամ կրծքին փռված մագերից: Քանի որ կմախքները վատ էին պահպանվել, անհնար էր պարզել հանգուցյալների սեռը և տարիքը: Այնուամենայնիվ, այդ զարդերը ենթադրել են տալիս, որ նրանցից գոնե մեկը եղել է կին:

Նշենք, որ չնայած դամբարաններում հայտնաբերած նյութերի ընդհանրություններին, այնուամենայնիվ, նշմարվում են ժամանակագրական նրբին տարբերություններ, որոնք ի հայտ են գալիս դրանց մանրագին ուսումնասիրության ընթացքում: Այսպես, երկու դամբարաններում էլ գտնվել են սափորների հիանալի օրինակներ: N 21 դամբարանում դրանք երեքն են, մեկի մոխրագույն, գնդաձև իրանը գոտեռված է փայլեցումով զարդարված լայն ելունդագոտիով: Աղեղնաձև կանթը գուրկ է երկաթի ժամանակաշրջանի ավարտին բնորոշ ուղղահայաց ճեղքից (աղ. I, նկ. 2): Այն իր ընդհանուր ձևով նմանվում է Հայաստանի՝ մ.թ.ա. VII-VI դդ. թվագրված մյուս հուշարձանների հանրահայտ օրինակներին, բայց փոքր-ինչ տարբերվում է սեղմումով արված զարդաձևով և բռնակի վրայի ուղղահայաց ակոսի բացակայությամբ: Սեղմումով արված եռանկյունաձև զարդաձևը թե՛ իր կատարմամբ, թե՛ ձևով բնորոշ է ուշ բրոնզի և երկաթի նախորդ փուլերից հայտնի զարդերին: Նույնը վերաբերում է կտրվածքում կլոր, անձեղք փորվածքով կանթին: Իր ընդհանուր տեսքով սա առավել մոտ է Խրտանոցի կրոմլեխներից մեկում² և Կիրովականի դամբարանում հայտնաբերված սափորներին³:

Ջարդի՝ կատարմամբ և ձևով մեր օրինակին նման է նաև Խրտանոցի N 1 կրոմլեխում հայտնաբերված խոշոր կճուճը⁴, որն իր ձևով ևս հիշեցնում է մշակութային նախորդ փուլերից հայտնի օրինակները:

² Мартиросян А. Раскопки в Головино, Е., 1954, табл. XI, рис. 8.

³ Мартиросян А. Армения в эпоху бронзы и раннего железа, Е., 1964, табл. XXII, рис. 8.

⁴ Мартиросян А. Раскопки в Головино, табл. X.

Ուսումնասիրվող դամբարանի երկրորդ սափորը ձևով նման է նախորդին, տարբերվում է միայն կանթի վրայի ուղղահայաց փորվածքի առկայությամբ և զարդարանքի առավել ճոխությամբ ու բազմազանությամբ: Անոթի իրանի կենտրոնով և վզի հիմքով անցնող հորիզոնական ելունդագոտիների միջև գտնվող ամբողջ հատվածը զարդարված է կամարաձև ելունդագոտիներով: Ինչպես դրանց, այնպես էլ կամարների միջև բաց մնացած մակերեսները ծածկված են փայլեցմամբ արված ուղղահայաց գծերով և ցանցադաշտերով (աղ. 1, նկ. 1): Այս անոթը, ընդհանրապես նման լինելով Գոլովինոյի N 2 դամբարանում գտնված օրինակին, դրանից տարբերվում է բռնակի և վզի ծալքավոր ձևերով: Ըստ Հարություն Մնացականյանի, այս անոթի վրայի կիսաշրջանները խորհրդանշում են երկինքը, հորիզոնականները՝ ակոսները, իսկ կենտրոնի ելուստը՝ իրենից հեռացող ճառագայթներով՝ արևը: Ի դեպ, այն նվիրված է արևի պաշտամունքին⁵: Համաձայնելով գիտնականի ենթադրության հետ՝ կարող ենք հավելել նաև, որ Քուչակ-1-ի N 21 և Գոլովինոյի N 2 դամբարանները համադրելի են ոչ միայն կառուցվածքով, այլև իրենց մեջ եղած մեկից ավելի հանգուցյալների քանակով:

Ճիշտ նույն ձևի, սակայն միայն ուղղահայաց գծերով ցանցազարդ մակերես ունի N 21 դամբարանի երրորդ սափորը (աղ. 1, նկ. 3), որի նմանը ևս հայտնի է Կիրովականի դամբարանից⁶: Թե՛ ձևով և թե՛ զարդերի նմանությամբ ու կատարման եղանակներով մեր նյութերին միանգամայն համադրելի են Ոսկեհասկի N 2, 4, 5 և 7 կատակոմբների նյութերը⁸, որոնց իրական ժամանակը մ.թ.ա. VIII-VII դարերն են: Բացի այդ, այդպիսիք քաջ ծանոթ են նաև Շիրակավանի համաժամանակյա N 12 և 100 դամբարաններից⁹:

Ինչ վերաբերվում է Քուչակի N 21 դամբարանի սափորների ժամանակագրությանը, նշենք, որ դրանք նույն շրջանին են պատկանում, ինչ Մորզանի կողմից Խրտանոցի դամբարաններից պեղված նյութերը: Ի դեպ, բոլոր ուսումնասիրողներն ընդունել են Մորզանի թվագրումը (Ք. ա. VII-VI դդ.): Սակայն մեր դիտարկումները հիմք են տալիս ասելու, որ Ժակ դ'Ա Մորզանի հայտնաբերած նույնատիպ բոլոր նյութերը անվերապահորեն Ք. ա. VII-VI դարերին վերագրելը այնքան էլ հիմնավորված չէ, որովհետև Ժ. դր Մորզանը, սալարկղայինից բացի, պեղել է նաև քարարկղային դամբարաններ, որոնք ենթադրել են տալիս դրանց ժամանակագրական տարբերության մասին:

N 21 դամբարանի մյուս ուշագրավ անոթն ունի երկկանթ, ուռուցիկ իրան, կենտրոնով անցնող չորս շարք ալիքագոտիներից դեպի հատակն ընկած

⁵ Мнацаканян А. О раскопках могильников села Головино [Краткие сообщения истории материальной культуры, вып. XLVI, с. 66, рис. 13, (3, 5)].

⁶ Նույն տեղում, էջ 65:

⁷ Мартиросян А. Армения в эпоху..., табл. XII, рис. 4.

⁸ Петросян Л. Раскопки памятников Кети и Воскеаска, Е., 1989, табл. 66, 67, 69.

⁹ Թորոսյան Ռ., Խնկիկյան Օ., Պետրոսյան Լ., Հին Շիրակավան, Ե., 2002, աղ. CXXVII, LXX:

մասում փայլեցմամբ արված են ուղղահայաց գծեր, իսկ ալիքագոտուց վեր, մինչև շուրթի տակը զարդարված է փայլագծերի փնջերով (աղ. I, նկ. 4): Այս սափորը հատկապես զարդարանքով բավական մոտ է Կիրովականի նույնատիպ անոթին¹⁰: Իրանի հակադիր կողմերում մեկական բռնակով խեցանոթի երևան գալը տեսանելի է դեռևս ուշ բրոնզի երկրորդ փուլի՝ Շիրակավանի N 55, 106 և այլ դամբարանների մշակույթում¹¹, որից հետո դրանք գնալով լայն տարածում են ստանում Հայաստանի երկաթեդարյան գրեթե բոլոր հուշարձաններում, ինչպես Շիրակավանի N 107, 110¹² Լենինականի (Գյումրի) դամբարաններում¹³, Թալինի¹⁴, Ոսկեհասկի¹⁵, Սարապատի¹⁶ և բազմաթիվ այլ համաժամանակյա հուշարձաններում:

Անասնապահության զարգացման և, հետևաբար, կաթնամթերքի մշակման հետ է կապված ձկնամթերքի հաճախակի օգտագործումը, որը ևս սկիզբ է առնում նախորդ՝ բրոնզեդարյան շրջանի, հատկապես դրա զարգացած փուլում. ի տարբերություն բրոնզեդարյանի, երկաթեդարյան անոթները, հատկապես նշված փուլին պատկանողները, ունեն անցքի քիչ դուրս զցված, հավելադիր մաս: Նշենք, որ ձկնամթերքը հաճախ են հանդես գալիս վերը ներկայացված երկկանթ անոթների հետ և հայտնի են Թոեղքի (Թրիալեթի) N 17¹⁷, Քերթի N 41¹⁸, Թալինի N 77¹⁹, Գոլովինոյի²⁰ Սարապատի²¹ ու մի շարք այլ հնավայրերից: Հետաքրքիր է, որ ուսումնասիրվող երկկանթ անոթները և ձկնամթերքի թվագրվում են գրեթե նույն ժամանակաշրջանով:

Կենցաղում, տնտեսության մեջ ամենօրյա գործածական անոթներից են, այսպես կոչված, խոհանոցային կճուճները (աղ. II, նկ. 6, 7), որոնց սկզբնավորումը տեսանելի է դեռևս միջին բրոնզի դարաշրջանից: Ամենատարածվածն է ավազախառն կավից պատրաստված, գնդաձև իրանով և հատիկաշարերով զարդարված անոթը (աղ. II, նկ. 6): Հիշյալ տեսակի նմանակները, գրեթե անփոփոխ, հարատևում են բրոնզ-երկաթեդարյան ժամանակաշրջանների հուշարձաններում:

¹⁰ Мартirosյան А. Армения в эпоху..., табл. XX, рис. 8.

¹¹ Թորոսյան Ռ. և ուրիշներ, նշվ. աշխ., աղ. XXIX, XLI:

¹² Թորոսյան Ռ., նույն տեղում, աղ. LVIII, XLV, X, նկ. 20:

¹³ Мартirosյան А. Армения в эпоху..., рис. 51.

¹⁴ Ավետիսյան Հ., Ավետիսյան Պ., Սարապատյան դաշտի մշակույթը, մ.թ.ա. XI-VI դարերում, Ե., 2006, աղ. 23, 28, 29 և այլն:

¹⁵ Петросյան Л., նշվ. աշխ., աղ. 65, 67, 69.

¹⁶ Պետրոսյան Լ., Պեղումներ Սարապատում, Հնագիտական աշխատանքները Հայաստանի նորակառույցներում I, Ե., 1993, աղ. XC, XCI.


¹⁷ Менабде М., Давлианидзе Ц. Могильник Тriaлети, каталог I, Тбилиси, 1968, табл. II, рис. 74.

¹⁸ Петросյան Л., նշվ. աշխ., աղ. 70.

¹⁹ Ավետիսյան Հ., Ավետիսյան Պ., նշվ. աշխ., աղ. 53:

²⁰ Мнацаканян А., նշվ. աշխ., նկ. 13 (2):

²¹ Պետրոսյան Լ., Պեղումներ Սարապատում, աղ. XCII.



Մի փոքր այլ է խոհանոցային կճուճների մյուս տարբերակը: Այն նա պատրաստված է կավի՝ վերը նշված բաղադրություններով, սակայն ձևով զգալի չափով տարբերվում է նախորդից. ունի քիչ ավելի ձգված իրան, դուրս թեքված շուրթ (աղ. II, նկ. 7):

Եթե առաջին տեսակը գրեթե անփոփոխ գոյություն է ունեցել նշված ժամանակաշրջաններում՝ Ք. ա. XVII-VI դդ., ապա երկրորդը՝ հիմնականում հանդես է գալիս Ք. ա. IX-VIII դդ.՝ Թալինի N 89 դամբարանում²², Մեծամորի հրդեհված շերտում²³, Սարապատում²⁴, Քեթիում²⁵ և շարունակում է գոյատևել նաև Ք. ա. VII-VI դդ.՝ Շիրակավանում,²⁶ Քեթիում²⁷ և այլն:

Խոհանոցային անոթների տեսակից մյուսը՝ կճուճները (աղ. II, նկ. 1) լավ հայտնի են նախաուրարտական ժամանակաշրջանի հուշարձաններից: Ի տարբերություն (աղ. II, նկ. 4, 5) քրեղանների, ավելի շատ են քիչ լայն կողերով, լայնաբերան քրեղանները, որոնց խմբում առկա են միմյանցից որոշ չափով տարբերվող օրինակները: Դրանցից մեկի՝ ակոսազարդ նմուշի (աղ. III, նկ. 6) նմանակները հայտնի են Թալինի N 3 դամբարանից²⁸ և Սարապատից²⁹: Սրանք

²² Ավետիսյան Հ., Ավետիսյան Պ., նշվ. աշխ., աղ. 57, նկ. 4:

²³ Խանգադյան Է., Մկրտչյան Կ., Պարսամյան Է., Մեծամոր, Ե., 1973, աղ. 8, նկ. 4:

²⁴ Պետրոսյան Լ., Պեղումներ Սարապատում, աղ. CX, նկ. 5.

²⁵ Петросян Л., նշվ. աշխ., աղ. 70:

²⁶ Թորոսյան Ռ. և ուրիշներ, նշվ. աշխ., աղ. LXXX.

²⁷ Петросян Л., նշվ. աշխ., աղ. 73, նկ. 10.

²⁸ Ավետիսյան Հ., Ավետիսյան Պ., նշվ. աշխ., աղ. 7, նկ. 3-5:

²⁹ Պետրոսյան Լ., Պեղումներ Սարապատում, աղ. XCIII.

թվագրվում են Ք.ա. IX դ. վերջ-VIII դ.-ով: Նույնպիսին են նաև Շեյթան դաղից հայտնաբերվածները³⁰:

Քրեդաններից մեկն իրանի վերին մասում ունի երկու ակոսագոտի և մեծ ելուստաձև բռնակ (աղ. III, նկ. 3): Ինչպես նախորդ տեսակի, այնպես էլ վերջինիս զուգահեռները հայտնի են (Ք.ա. IX դ. վերջ VIII դ.) Քեթիի N 38 դամբարանից³¹, Շեյթան-դաղից³²:

Ուսումնասիրվող դամբարանի նմանատիպ քրեդանի շուրթը քիչ դուրս է թեքված և ունի հարթ, անցքով բռնակ (աղ. III, նկ. 1), որի զուգահեռները հայտնի են Մեծամորի արհեստանոցների շերտից³³, Սարապատից³⁴, Գոլովինոյից³⁵ և Ք. ա. IX-VIII դդ. թվագրվող այլ հուշարձաններից:

Քուչակից գտնվել են իրար նման՝ բռնակով գավաթների երկու տարբերակներ: Սրանք հայտնի են Շիրակավանի N 114³⁶, Թալինի N 85³⁷ դամբարաններից, ինչպես նաև Մոսիերի հնավայրից (աղ. III, նկ. 2)³⁸: Նշենք նաև, որ առավել լավ հայտնի են երկրորդ տեսակի՝ վերին մասում լայն, ներքևում նեղ գավաթները (աղ. III, նկ. 5): Զուգահեռները գտնվել են Թոեդքի՝ Ք.ա. IX-VIII դարերով թվագրվող՝ Շեյթան դաղի³⁹, Էլառի⁴⁰, Յինցղարոյի և Թաքքիլիսայի դամբարաններում⁴¹:

N 21 դամբարանի վերջին խեցանոթը դեռևս վաղ երկաթի ժամանակաշրջանից հայտնի՝ ուղիղ կողերով անոթների զգալիորեն փոփոխված տեսակն է (աղ. III, նկ. 4): Սրա զուգահեռներից մեկը հայտնի է Յինցղարոյի՝ Ք.ա. IX-VIII դդ. թվագրվող N 11 դամբարանից և նույն հուշարձանի՝ գետի աջ ափի դամբարաններից⁴²: Ինչպես տեսնում ենք, խեցեղենի նշված զուգահեռները ցույց են տալիս Քուչակի N 21 դամբարանի ժամանակաշրջանը Ք.ա. IX-VIII դ.¹ սահմաններում: Այդ հարցում կարևորվում են նաև երկաթյա զինատեսակները և զարդարանքի առարկաները: Այդտեղ գտնված դաշույնի շեղբը և դաստակի միջուկը երկաթյա են, դաստակի արտաքին մասը և գլխիկը՝ բրոնզաձույլ, որը եղանաձև հազցված է երկաթ» միջուկի վրա (աղ. IV, նկ. 1): Հետաքրքիրն այն է, որ դաշույնները և որոշ զարդասեսակներ միասին հանդես են գալիս ինչպես Ք.ա. IX-VIII, այնպես էլ VIII-VI դդ.: Նման դաշույններ հայտնի

³⁰ Morgan J. de, *Missions scientifique au Caucase, t. I, Paris, 1889, tabl. IV, dessin 1, 3.*

³¹ Петросян Л., նշվ. աշխ., աղ. 2:

³² Morgan J. de, նշվ. աշխ., աղ. IV, նկ. 1, 3.

³³ Խանգադյան Է. և ուրիշներ, 1973, էջ 45, նկ. 64:

³⁴ Պետրոսյան Լ., Պեղումներ Սարապատում, աղ. XCIII:

³⁵ Мартиросян А. Раскопки в Головино, табл. XI, рис. 1.

³⁶ Թորոսյան Ռ. և ուրիշներ, նշվ. աշխ., աղ. LXXIV, նկ. 14:

³⁷ Ավետիսյան Հ., Ավետիսյան Պ., նշվ. աշխ., աղ. 55:

³⁸ Morgan J. de, նշվ. աշխ., նկ. 168 (1).


³⁹ Менабде М., Давлианидзе Ц., նշվ. աշխ., աղ. I, նկ. 30, աղ. III, նկ. 129, աղ. IV, նկ. 114, 179.

⁴⁰ Morgan J. de, նշվ. աշխ., աղ. V, նկ. 5.

⁴¹ Խանգադյան Է., Էլառ Դարանի, Ե., 1979, աղ. XXI, նկ. 4:

⁴² Менабде М., Давлианидзе Ц., աղ. XI, նկ. 368, աղ. XII, նկ. 570:

են նաև մ.թ.ա. IX-VIII դդ. թվագրվող՝ Սարապատի⁴³ և մ.թ.ա. VII-VI դդ. թվագրվող՝ Շիրակավանի⁴⁴ ու Գոլովինոյի⁴⁵ դամբարաններից:



Երկաթե դաշույնների այս տեսակը տարածված է եղել նաև Հարավային Օսեթիայի⁴⁶ և Կոլխիդայի⁴⁷ մ.թ.ա. VII-VI դդ. մշակույթներում: N 21 դամբարանում գտնված մյուս զինատեսակը երկաթե նիզակի ծայրն է (աղ. IV, նկ. 2): Դաշույնի հետ համեմատած՝ այն ավելի լայն կիրառություն է ունեցել ինչպես նախորդ փուլում, այնպես էլ մ.թ.ա. VII-VI դդ.: Հայտնի են Կիրովականի՝ մ.թ.ա. VIII և մ.թ.ա. VII-VI դարերին պատկանող դամբարաններից⁴⁸, Թոեղքի՝ IX-VIII դդ. N 56 և VII-VI դ¹. պատկանող N 6, 15 և այլ դամբարաններ:

⁴³ Պետրոսյան Լ., Պեղումներ Սարապատում, աղ. XCV, նկ. 18.

⁴⁴ Թորոսյան Ռ. և ուրիշներ, նշվ. աշխ., աղ. LXXXIV, նկ. 12:

⁴⁵ Мартиросян А. Раскопки в Головино, табл. XV, рис. 13.

⁴⁶ Փիլիպոսյան Ա., Հին Արևելքի շրջանակավոր դաստակով դաշույններն ու սրերը, Ե., 1999, աղ. 64, նկ. 1:

⁴⁷ Նույն տեղում, աղ. 68, նկ. 2:

⁴⁸ Мартиросян А. Армения в эпоху..., табл. XXI, XXX.

րաններից⁴⁹: Նշենք նաև, որ գնալով նիզակի երկաթի ծայրերն ավելի մեծ տարածում են գտնում երկաթի լայն գործածության ժամանակաշրջանում և հայտնի են Խրտանոցից⁵⁰, Շեյթան դաղից⁵¹, Շիրակավանից⁵² և բազմաթիվ այլ հնավայրերից:

Հ. Մարտիրոսյանը, ուսումնասիրելով Հայաստանի նմանատիպ նիզակների ծայրերը, դրանք բաժանել է երկու խմբի: Առաջին խմբին են դասվել 27-47 սմ երկարությամբ, կարճ, խողովակաձև կոթառով, կարճ լեզվակով օրինակները: Այս ծայրերը նման են ուրարտական օրինակներին: Երկրորդ խմբի մեջ մտնում են թե՛ ձևով և թե՛ չափերով նախորդից փոքր-ինչ տարբերվողները՝ 15,5-21 սմ երկարությամբ, հարթ, առանց միջնաջիղի տերևաձև նմուշները: Սրանք որոշ նմանություններ ունեն բրոնզե նախատիպերի հետ, Վանի թագավորության մշակույթում բոլորովին չեն հանդիպում⁵³: Մեր օրինակները հիշեցնում են նշված երկու տեսակների յուրօրինակ համադրություն. չափերով նման են երկրորդ խմբին, իսկ ընդգծված միջնաջիղերով լեզվակով՝ առաջինին: Սա նշանակում է, որ դրանք հմուտ կարողություններով օժտված արհեստավորների ձեռքի գործ են:

Առավել մեծ խումբ են կազմում ներկայացվող դամբարանից հայտնաբերված զարդարանքի առարկաները: Այստեղ իրենց քանակով առանձնանում են ինչպես միաձույլ աստամնավոր մակերեսով (աղ. IV, նկ. 10, 11), այնպես էլ իրար մոտեցող ծայրերով, հարթ մակերեսով մատանիները (աղ. IV, նկ. 8): Նման աստամնավոր զարդերի արմատները հասնում են մինչև մ. թ. ա. XI դար և հայտնի են Ներքին Ադիամանից⁵⁴ մ.թ.ա. IX-VIII դդ. թվագրվող Նորատուսի N 10 դամբարանից⁵⁵, Այգեշատից⁵⁶ և այլն: Այս զարդատեսակն ավելի մեծ կիրառություն է ստանում երկաթի լայն տարածման ժամանակաշրջանում, լավ հայտնի է Խրտանոցից⁵⁷, Լոռի բերդից⁵⁸, Շիրակավանից⁵⁹:

Քուչակի N 21 դամբարանի հավաքածուի մեջ առկա ոլորուն իրանով մանյակի (աղ. IV, նկ. 6) բազմաթիվ գուգահեռները հայտնի են Ախթալայից, Ուշքիխայից, Շեյթան դաղից, Մուսիերից⁶⁰, Այգեշատից⁶¹, Լոռի բերդից⁶², Շիրակավանից և Թոեղքի N 3 և 8 (մ. թ. ա. IX-VIII դդ.) դամբարաններից⁶³:

⁴⁹ Менабде М., Давлианидзе Ц., նշվ. աշխ., աղ. V, նկ. 233, աղ. XI, նկ. 353, աղ. XII, նկ. 382:

⁵⁰ Мартиросян А. Раскопки в Головино, табл. I, рис. 1-7.

⁵¹ Morgan J. de, նշվ. աշխ., էջ 97, նկ. 47:

⁵² Мартиросян А. Армения в эпоху..., с. 57, рис. 64.

⁵³ Мартиросян А. Раскопки в Головино, с. 20.

⁵⁴ Мартиросян А. Армения в эпоху..., с. 57, рис. 64.

⁵⁵ Նույն տեղում, էջ 209, նկ. 81.

⁵⁶ Ավետիսյան Հ., Ավետիսյան Պ., նշվ. աշխ., աղ. 3, նկ. 11:

⁵⁷ Мартиросян А. Раскопки в Головино, табл. 5.


⁵⁸ Деведжян С. Лори-Берд I, Е., 1981, табл. XXIV.

⁵⁹ Թորոսյան Ռ. և ուրիշներ, նշվ. աշխ., աղ. LXXI, նկ. 7:

⁶⁰ Morgan J. de, նշվ. աշխ., էջ 105, նկ. 6, 8:

⁶¹ Ավետիսյան Հ., Ավետիսյան Պ., նշվ. աշխ., էջ 199, նկ. 12, 13:

Ներկայացվող դամբարանում հայտնաբերվել են բրոնզե կիսագնդաձև և բրգաձև կոճակազարդեր (աղ. IV, նկ. 13, 14). կիսագնդաձև օրինակները լավ հայտնի են բրոնզի դարաշրջանի մի շարք հուշարձաններից, որոնք գոյատևում են նաև երկաթի լայն տարածման ժամանակաշրջանում: Բրգաձև օրինակի նմանակները գտնվել են Եղեգնաձորի վաղ երկաթի ժամանակաշրջանին պատկանող N 1 դամբարանից⁶⁴: Բացի Հայաստանից, նման նյութեր են հայտնի նաև Թլիի՝ մ.թ.ա. XII-X դդ. թվագրվող դամբարաններից⁶⁵: Նման մեկ օրինակ գտնվել է Օշականում, ներձկված ապարանջանների միջակայքում⁶⁶:



Սարդիոնից և շաղախից պատրաստված ամենատարբեր ձևերի ուլունքները (աղ. IV, նկ. 17, 18) լայն տարածում են ունեցել երկաթի դարաշրջանի բոլոր փուլերում: Գտնվել են Շիրակավանի N 6⁶⁷ և նույն վայրի զարգացած երկաթի N 120⁶⁸, Կիրովականի՝ մ.թ.ա. VIII դ. թվագրվող դամբարանում⁶⁹: Այս վերջինում, որպես ուլունքաշարի բաղադրամաս, հանդես են գալիս Քուչակի ուսումնասիրվող դամբարանում գտնված բրոնզե զարդա-

⁶² Деведжян С., նշվ. աշխ., աղ. XXIV:

⁶³ Թորոսյան Ռ. և ուրիշներ, նշվ. աշխ., աղ. LXXXIII, նկ. 6:

⁶⁴ Khnkikyan O. Syunik, During the Bronze and Iron Ages, 2002, fig. LXI.

⁶⁵ Техов Б. Центральный Кавказ в XVI-X вв. до н.э, М., 1977, с. 170, рис. 114(56).

⁶⁶ Есаян С., Калантарян А. Ошакан I, Е., 1988, табл. XLVII, рис. 6.

⁶⁷ Թորոսյան Ռ. և ուրիշներ, նշվ. աշխ., աղ. XLIII, նկ. 13, 18:

⁶⁸ Նույն տեղում, աղ. LXXXIII, նկ. 7:

⁶⁹ Мартиросян А. Армения в эпоху..., табл. XXI, рис. 5.

տեսակների նմանակները (աղ. IV, նկ. 5): Դրանք հայտնի են նաև Խրտանոցից⁷⁰ և մի շարք այլ հնավայրերից: Մյուս զարդատեսակը Կաուրի խխունջն է (աղ. IV, նկ. 15), որն օգտագործվել է դեռևս բրոնզի դարաշրջանում և գտնվել է Քեթիի՝ ուշ բրոնզի N 23⁷¹ և Հարժիսի՝ զարգացած երկաթի ժամանակաշրջանի N 2 դամբարաններից⁷² ու մի շարք այլ հնավայրերից:

Քուչակի N 21 դամբարանում գտնվել են նաև անորոշ նշանակության բրոնզե երկու իր, որոնցով հավանաբար ամրացվել են կամ դրանցից կախվել են ինչ որ առարկաներ (աղ. IV, նկ. 3, 4): Մյուսը բրոնզե թիթեղի փաթաթվածք է (աղ. IV, նկ. 16): Այսպիսով, Քուչակի N 21 դամբարանի նյութերը, հիմնականում թվագրվելով մ.թ.ա. IX-VIII դարերով հանդես են գալիս նաև Ք.ա. VII-VI դդ.:

Քուչակի N 41 դամբարանի ինչպես խեցեղեն, այնպես էլ մե-տաղյա իրերն ու զարդարանքի առարկաները, նախորդ դամբարանի նյութերի հետ ընդհանրություններ ունենալով հանդերձ, այնուամենայնիվ, ունեն նաև որոշակի տարբերություններ: Այդ նյութերի թվին են պատկանում Քուչակի N 21 դամբարանի (աղ. I, նկ. 1, 2) և N 41 դամբարանի սափորները (աղ. V, նկ. 1, 2): Դրանց մեջ եղած տարբերությունը տեսանելի է հատկապես N 21-ի սափորներից մեկի (աղ. I, նկ. 2) վրա, որի կանթի վրայի ուղղահայաց ձեղքի բացակայությունը և սեղմումով կատարված եռանկյունաձև զարդերը դիտարկում ենք որպես մի փոքր վաղ շրջանի հատկանիշներ: N 41-ի նմանակի կանթը օժտված է ուղղահայաց ձեղքով, իսկ զարդարման հիմնական եղանակներն են փայլեցումը և սեղմումը: Այդ տեսակետից մեծ են ընդհանրությունները N 21-ի (աղ. I, նկ. 1) և N 41-ի (աղ. V, նկ. 1) սափորների միջև: Սափորների երկրորդ տե-սակի զուգահեռները ավելի վաղ են և հայտնի են Ախթալայից ու Շեյթան դաղից⁷³, Գոլովինո գյուղից⁷⁴: Դրանք հայտնի են նաև Դիլիջանից. սրանց կանթերի վերին մասում առկա են ելուստներ, իսկ հատակները օղակաձև են և բարձր⁷⁵:

Քուչակի N 41 դամբարանի մյուս սափորն աչքի է ընկնում հատկապես իր զարդարման եղանակով: Դրա ամբողջ մակերեսը ծածկված է փայլեցմամբ կատարված, տարբեր ուղղություններով տարածվող, թեք և ալիքաձև գծերի խմբերով (աղ. V, նկ. 2): Այն իր ձևով ամբողջությամբ նույնական լինելով նախորդ սափորի հետ՝ դրանից տարբերվում է փայլեցմամբ արված այլ զարդաձևերով: Մեր կարծիքով, սովյալ դեպքում գործ ունենք մ.թ.ա. VII դ. երկրորդ կեսին և VI դարում համեմատաբար ավելացող փայլանախիշերի հետ: Այդ է հաստատում Շիրակավանի ամրոցի վերին շերտում նույնանման

⁷⁰ Мартиросян А. Раскопки в Головино, табл. VIII, рис. 1.

⁷¹ Петросян Л., նշվ. աշխ., աղ. 48, նկ. 2:

⁷² Khnkikyan O., նշվ. աշխ., աղ. LXXV, նկ. 9.

⁷³ Morgan J. de, էջ 148, նկ. 154, աղ. V, 10, 10^ա:

⁷⁴ Мартиросян А. Раскопки в Головино, табл. XX, рис. 6.

⁷⁵ Եսայան Ս., Հովհաննիսյան Հ., Դիլիջանի երկրագիտական թանգարանի հնագիտական իրերի կատալոգ, Ե., 1969, աղ. XXX-XXXIII:

նյութերի առատությունը⁷⁶: Կարծում ենք՝ համոզիչ են նաև Դիլիջանի հանգստյան տան մոտ գտնվող դամբարանի տվյալները, որտեղ, բացի սափորների նշված տեսակից, գտնվել են զարգացած երկաթի ժամանակաշրջանին բնորոշ նիզակի ծայրեր, մանյակ և գնդիկներից կազմված մատանի⁷⁷: Մեր հետազոտությունները բերում են այն համոզման, որ վերջին զարդատեսակը կիրառության մեջ է մտնում միայն մ.թ.ա. VII դ. սկսած: Ըստ այդմ, ինչպես Դիլիջանի նշված դամբարանը, այնպես էլ Քուչակի N 41-ը պետք է ժամանակագրել մ.թ.ա. VII-VI դարերով: Նման թվագրությունը չի հակասում նաև N 41-ի մյուս անոթի նկարագրությանը (աղ. V, նկ. 3): Ձևով գրեթե նույնանման մյուս անոթը (աղ. VI, նկ. 6) տարբերվում է սոսկ բռնակի բացակայությամբ և որոշ զարդաձևերով: N 41 դամբարանի ոչ միայն այս, այլև ընդհանրապես մյուս խեցանոթները զգալի ընդհանրություններ ունեն հատկապես Արտաշավանի N 3 և 6 դամբարանային օրինակների հետ: Արտաշավանի N 6 դամբարանում գտնվել են նաև Քուչակի N 41 դամբարանի կճուճի (աղ. VI, նկ. 5) և քրեղանի (աղ. VI, նկ. 3) զուգահեռները⁷⁸: Նույնը կարելի է ասել Արտաշավանի N 3 դամբարանի նյութերի վերաբերյալ⁷⁹: Արտաշավանի նշված համալիրների ուսումնասիրությունները հեղինակներին բերել է այն եզրակացության, որ Արտաշավանի N 3 դամբարանի գտածոները համապատասխանում են մ.թ.ա. VI դարի երկրորդ կեսի նյութերին⁸⁰: Նույնը կարելի է ասել նաև N 6 դամբարանի մասին⁸¹:

Քուչակի N 41 դամբարանի կճուճը (աղ. VI, նկ. 5), լինելով նախորդ փուլի արտահայտություն, ներկայացնում է փոքր-ինչ այլ տեսակ, որի նմանակը, բացի Արտաշավանի N 6 դամբարանից, հայտնի է նաև Քեթիի՝ մ.թ.ա. VII-VI դդ. պատկանող N 123 դամբարանից, որն առանձնանում է իրանի հակադիր կողմերում առկա բռնակներով և գեղեցիկ հարդարանքով⁸²: Քուչակի N 41-ում գտնվել են կճուճների երկու այլ տարբերակներ. մեկը հայտնի խոհանոցային տեսակն է: Այն հնից եկող ձևերից մի փոքր տարբերվում է իրանի ուռուցիկությամբ և շուրթի թեքությամբ (աղ. VI, նկ. 3): Անոթների այս տեսակը հազվադեպ է հանդիպում և հայտնի է Օշականի N 59 դամբարանից⁸³: Քուչակի այս դամբարանի թվագրության հարցում կարևոր են նաև Ղարաբաղի տափաստանում պեղված N 2 դամբարանի տվյալները, որտեղ ևս գտնվել են այս

⁷⁶ Թորոսյան Ռ. և ուրիշներ, նշվ. աշխ., 2002, աղ. LXXVIII, նկ. 10:

⁷⁷ Եսայան Ս., Հովհաննիսյան Հ., նշվ. աշխ., աղ. XXXIX:

⁷⁸ Ավետիսեան Պ., Ենգիբարեան Ն., Սարգսեան Գ., Հայաստանի նորահայտ հնագիտական հուշարձանները (Արտաշավանի դամբարանադաշտ) (Հանդես ամսօրեայ, - 1-12, Վիեննա, 1998, աղ. 71, նկ. 2, 8):

⁷⁹ Նույն տեղում, աղ. 76:

⁸⁰ Նույն տեղում, էջ 230:

⁸¹ Նույն տեղում, էջ 231:

⁸² Петросян Л., նշվ. աշխ., աղ. LXXXIV, նկ. 1.

⁸³ Ավետիսյան Հ., Ավետիսյան Պ., նշվ. աշխ., աղ. 70, նկ. 1, 6:

կճուճի նմանակները, ինչպես նաև քառակող զանգակ⁸⁴: Ա. Բեսսենը հարուստ նյութերի հավաքածուի հիման վրա N 2-ը թվագրել է մ.թ.ա. VII դարի երկրորդ կեսով (650-600-ական թվականներ)⁸⁵: Այս թվագրությունը հաստատվում է նաև Օշականի թիվ 45 դամբարանի գտածոյով⁸⁶:

Երկրորդ կճուճն ունի հարթ, լայն հատակ, քիչ բարձր պա-րանոց, դուրս ուղղված շուրթ: Ուսերին արված են եռաշար ակոսագոտիներ (աղ. VI, նկ. 2): Հարկ է նշել, որ ստորին մասը՝ լայն անոթները հատկանշական են հատկապես մ.թ.ա. VII-VI դարերին և հայտնի են Օշականի N 102 դամբարանից⁸⁷, Մուսիերից⁸⁸: Ներկայացված նյութերին իր ձևով մոտ է նաև մեկ այլ կճուճ, որի իրանը ակոսագարդ է, իսկ ուսերին կտրելու եղանակով արված են իրար մեջ հագցված, եռանկյունաձև զարդեր (աղ. VII, նկ. 4): Այդպիսիք հայտնի են Կարմիր բլուրից⁸⁹, Դիլիջանից⁹⁰, Շիրակավանից⁹¹ և Օշականից⁹²: Քուչակի դամբարանում գտնվել են նաև երկու քրեղան: Մեկն ունի լայն, հարթ հատակ, դուրս թեքված շուրթ, իրանի վերին մասը զարդարված է ուղղահայաց, լայն ակոսագոտիներով: Իրանի վրա արված միջանցիկ անցքերը ծառայել են կոտրված անոթը կարելու նպատակին (աղ. VII, նկ. 2): Անոթների այս տեսակը ևս իր բազմաթիվ գուգահեռներն ունի զարգացած երկաթի դարաշրջանի հուշարձաններում՝ Միսիանի N 6⁹³ և Երևանի դամբարաններում⁹⁴, Շեյթան դաղում⁹⁵ և Արտաշավանի՝ մ.թ.ա. VII դ. երկրորդ կեսով թվագրվող N 6 դամբարանում⁹⁶:

Երկրորդ քրեղանն ունի լայն, հարթ հատակ, դեպի դուրս թեքված շուրթ, բերանի լայն բացվածք (աղ. VII, նկ. 5): Այս տարբերակի նմանակները հայտնի են Շեյթան դաղից⁹⁷ և Մուսիերից⁹⁸:

⁸⁴ Исеен А. Из исторического прошлого Милоско-Карабахской стены (Материалы исследования археологии СССР, 1965, N 125, с. 27, рис. 9).

⁸⁵ Նույն տեղում, էջ 29, 30, նկ. 12:

⁸⁶ Есаян С., Калантарян А., նշվ. աշխ., LXX, рис. 6.

⁸⁷ Նույն տեղում, աղ. CVII, նկ. 1:

⁸⁸ Morgan J. de, նշվ. աշխ., էջ 144, նկ. 146, էջ 149, նկ. 157:

⁸⁹ Եսայան Ս., Կատալոգ Երևան քաղաքի պատմության թանգարանի հնագիտական իրերի III, Ե., 1972, աղ. XXXII, նկ. 2:

⁹⁰ Եսայան Ս., Հովհաննիսյան Հ., նշվ. աշխ., կատալոգ. աղ. XXXII, նկ. 2:

⁹¹ Թորոսյան Ռ. և ուրիշներ, նշվ. աշխ., աղ. LXXV, նկ. 6:

⁹² Есаян С., Калантарян А., նշվ. աշխ., աղ. CV, рис. 3.

⁹³ Khnkikyan O., նշվ. աշխ., աղ. XLIX, նկ. 14:

⁹⁴ Мартиросян А. Армения в эпоху..., табл. XXIII, рис. 21.

⁹⁵ Morgan J. de, նշվ. աշխ., աղ. V:

⁹⁶ Ավետիսյան Պ. և ուրիշներ, նշվ. աշխ., աղ. ԺԵ, նկ. 2:

⁹⁷ Morgan J. de, նշվ. աշխ., աղ. V:


⁹⁸ Նույն տեղում, էջ 169, նկ. 166:

Քրեղանի մեկ այլ տեսակ է ծավալով ավելի փոքր, հարթ հատակով, դուրս թեքված շուրթով անոթը, որն ունի միջանցիկ անցքով հարթ բռնակ (աղ. VII, նկ. 3): Սրա ճշգրիտ զուգահեռները

հայտնի են Կարսի բլուրից⁹⁹ և Օշականի N 67 դամբարանից¹⁰⁰: Քուչակի օրինակին հար և նման Լոռի բերդի N 2՝ մ.թ.ա. VII-VI դդ. պատկանող դամբարանից¹⁰¹:

Աղյուսակ VII

Աղյուսակ VIII



Բնչպես տեսնում ենք, այս դամբարանի կավանդները, ընդհանուր առմամբ պահպանելով մ.թ.ա. IX-VIII դ. խեցեղենի ձևաբանական բնորոշ գծերը, այնուամենայնիվ առավել բնութագրական են, մ.թ.ա. VII-VI դ. մշակույթի համար: Ժամանակագրական տեսակետից որոշակի հստակություն են մտցնում N 41 դամբարանում գտնված փիալան և գավաթը: Առաջինը դասական երկմաս փիալաներից տարբերվում է իրանի եռամասնությամբ, իրանից հատակին անցնող մասում արված է հատիկաշար: Այստեղ առկա է նաև փոքր բռնակ, իսկ անոթի հատկամերձ մասը զարդարված է ուղղահայաց գծերով (աղ. VII, նկ. 1): Բնչպես տեսնում ենք, շեղումներից բացի, առկա են նաև զարգացման նոր հատկանիշներ և ուղղահայաց զարդաձևեր: Այդ իմաստով ուշագրավ է հատկապես փոքր բռնակի առկայությունը, որը վկայում է տեղական մշակույթի ավանդական ձևերի շարունակական փոխադրության մասին, որն ըստ էության, հանգեցրել է դասական փիալաների ձևի ու տե-

⁹⁹ Եսայան Ս., կատալոգ III, աղ. XVII, նկ. 9:

¹⁰⁰ Есаян С., Калантарян А., նշվ. աշխ., աղ. СII, նկ. 4:

¹⁰¹ Деведжян С., նշվ. աշխ., աղ. XXIX, նկ. 9:

դական որոշ հատկանիշների համատեղման: Ինչ վերաբերում է ուրարտական մշակույթում տարածված դասական փիալաներին¹⁰², ապա կարող ենք ասել, որ մեր օրինակը առավել մոտ է ինչպես Թռեղքի արեմենյան ժամանակաշրջանի¹⁰³, այնպես էլ մ.թ.ա. VII-VI դդ. նյութերին¹⁰⁴: Մեր նյութերին մոտ են նաև Օշականից հայտնի գունավոր տափաշշի հետ գտնված օրինակները¹⁰⁵: Հ. Մարտիրոսյանը ևս ընդհանրություններ է գտնում ուրարտական և վաղ հայկական նյութերի միջև¹⁰⁶: Մենք նույնպես համամիտ ենք այս կարծիքին:

N 41 դամբարանի վերջին կավանոթը՝ փոքր, միականթ բաժակն է, որի իրանի վերին մասը բավական ինքնատիպ զարդանախշ ունի՝ վզի հիմնամասում արված կլոր շրջաններից ասես կախված են նույնատիպ շրջանաձև օղակազարդեր (աղ. VI, նկ. 1): Ուսումնասիրությունները ցույց են տալիս, որ նման բաժակները գրեթե բացակայում են երկաթի լայն տարածման ժամանակաշրջանի մշակույթում: Այն որոշ ընդհանրություններ ունի վերը հիշատակված Արտաշավանի N 3 համալիրի¹⁰⁷ և Աստղի բլուրի N 14 դամբարանի գավաթների¹⁰⁸ հետ: Կարծում ենք, որ այս նոր տեսակի գա-վաթն իր գուգահեռը կարող էր ունենալ մշակութային հաջորդ փուլերում: Ինչպես տեսնում ենք, վերջին երկու խեցանոթները ևս հավաստում են Քուչակի N 41 դամբարանի՝ զարգացած երկաթի ավարտական փուլին պատկանելու մասին:

Դառնալով այստեղ հայտնաբերված մետաղական իրերին՝ նշենք, որ բացի նախորդ դամբարանի երկաթե նիզակի ծայրի միակ տեսակից (աղ. VIII, նկ. 1), մյուս բոլորը բրոնզաձույլ են (աղ. VIII, նկ. 2-15): Ուշագրավ են գեղեցիկ զարդարված, զանգակաձև, առանց լեզվակի կախիկ-զարդերը (աղ. VIII, նկ. 2,3), որպիսիք հայտնի են ինչպես մ.թ.ա. IX-VIII, այնպես էլ VII-VI դդ. պատկանող հուշարձաններից՝ Թռեղքից¹⁰⁹, Ռեդկին Լագերից¹¹⁰, Աստղի բլուրից¹¹¹, Շիրակավանից¹¹², Մուսիերից¹¹³, Դիլիջանից¹¹⁴, ինչպես նաև 1950 թ. Գոլովինոյում պեղված դամբարաններից¹¹⁵: Քուչակի

¹⁰² Ավետիսյան Հ., Ավետիսյան Պ., նշվ. աշխ., աղ. 161:

¹⁰³ Куфтин Б. Археологические раскопки в Тrialeti I, Тбилиси, 1941, табл. IV.

¹⁰⁴ Менабде М., Давлианидзе Ц., նշվ. աշխ., աղ. XII, նկ. 389, 395.

¹⁰⁵ Есаян С., Калантарян А., նշվ. աշխ., նկ. 7.

¹⁰⁶ Мартиросян А., Аргистихинили, Е., 1974, с. 43, рис. 25.

¹⁰⁷ Ավետիսյան Հ., Ավետիսյան Պ., նշվ. աշխ., աղ. 76, նկ. 7:

¹⁰⁸ Есаян С. А. Древняя культура племен Северо-восточной Армении, Е., 1976, с. 166, рис. 122.

¹⁰⁹ Менабде М., Давлианидзе Ц., նշվ. աշխ., աղ. VII, նկ. 314, 315.

¹¹⁰ Есаян С., նշվ. աշխ., աղ. 110, նկ. 5, 6.

¹¹¹ Նույն տեղում, էջ 214, աղ. 140, նկ. 4:

¹¹² Թորոսյան Ռ. և ուրիշներ, նշվ. աշխ., աղ. LXXXI, նկ. 14:

¹¹³ Morgan J. de, նշվ. աշխ., էջ 125, նկ. 104.

¹¹⁴ Եսայան Ս., Հովհաննիսյան Հ., նշվ. աշխ., կառավար III, աղ. XIV, նկ. 1, 3:

¹¹⁵ Мартиросян А. Раскопки в Головино, табл. XIII, рис. 31.

օրինակները նշվածներից մի փոքր ավելի ճոխ նախշեր ունեն։ Ավելացնենք նաև, որ Լուգովոյից հայտնաբերված նման զարդերը ևս կախված են ֆիրմաներից¹¹⁶։

Քուչակի N 41 դամբարանի բրոնզե թիթեղից պատրաստված, զարդարուն մակերեսով խողովակաձև իրերը (աղ. VIII, նկ. 4-8) հավանաբար եղել են կնոջ կմախքի կրծքամասում։ Ըստ ամենայնի, դրանք կախված են եղել կրծքին փռված մագերից։ Այս զարդատեսակը հայտնի է Կիրովականի¹¹⁷, Շիրակականի N 114¹¹⁸, Գոլովինո-յից¹¹⁹ մ.թ.ա. VIII դարով թվագրվող, ինչպես նաև մ.թ.ա. VII-VI դդ. պատկանող՝ Քեթի N 41,¹²⁰ Լոռի-բերդի,¹²¹ և Օշականի՝ մ.թ.ա. VII դարով թվագրվող N 59,¹²² Թաք-Քիլիսայի¹²³ և այլ հնավայրերից։ Այսպիսով, այս զարդատեսակի տարածման հիմնական ժամանակաշրջանը ևս մ.թ.ա. VII-VI դարերն են։ Նման ժամանակագրական ընդգրկում ունեն ինչպես հարթ մակերեսով, այնպես էլ ոլորուն իրանով, իրար մոտեցող ծայրերով բրոնզե ապարանջանները (աղ. VIII, նկ. 9, 10, 14, 15)։

Աղյուսակ IX



Հայաստանում մ.թ.ա. VII-VI դդ. օգտագործվել են նաև սարդիոնից պատրաստված գնդաձև և տակառաձև, բրոնզից՝ նավակաձև ու շաղախից՝ ամենատարբեր ձևերի ուլունքներ (աղ. IX)։ Դրանց գուգահեռները կան վերը նշված հուշարձաններում։

Քուչակի N 41 դամբարանի ժամանակագրական տեղորոշման հարցում մեծ կարևորություն ունեն բրոնզե գնդիկներից կազմված, շղթայից կախված և այլ ձևերի զարդատեսակները (աղ. VIII, նկ. 11, 12, 12^ա)։ Դրանք հայտնի են Դիլիջանի հանգստյան տան մոտի դամբարանից, որտեղ գտնվել են գնդիկավոր մատանի, ոլորուն իրանով մանյակներ, նիզակի ծայրեր՝ հատկապես փայլեցմամբ զարդարված խեցանոթներ¹²⁴, որոնք վերագրված են մ.թ.ա. VII-VI դարերին, իսկ Բջևանի շրջանի Ալուչախկալա գյուղից գտնվածները, համեմա-

¹¹⁶ Крупнов Е. Древняя история Северного Кавказа, М., 1960, с. 489, табл. LXX, рис. 3.

¹¹⁷ Мартиросян А. Армения в эпоху..., табл. XXI, рис. 6.

¹¹⁸ Թրքույան Ռ. և ուրիշներ, նշվ. աշխ., աղ. LXXIV, նկ. 3-6:

¹¹⁹ Петросян Л., նշվ. աշխ., աղ. 70.

¹²⁰ Мартиросян А. Раскопки в Головино, таб. XIII, рис. 6.

¹²¹ Деведжян С., նշվ. աշխ., աղ. XXV, նկ. 14.

¹²² Есаян С., Калантарян А., նշվ. աշխ., աղ. LX, նկ. 1, 2.

¹²³ Куфтин Б., նշվ. աշխ., էջ 55, նկ. 52.

¹²⁴ Եսայան Ս., Հովհաննիսյան Հ., նշվ. աշխ., կատալոգ III, աղ. XXXIX:

տելով Աթարբեկյանի կրումլեխի նմանատիպ իրերի հետ, թվագրվել են մ.թ.ա. VI դարով¹²⁵:

Այսպիսով, ինչպես նախորդ փուլի գլանաձև և փիալատիպ անոթների ձևափոխությունները, այնպես էլ բրոնզաձուլ գնդիկներից կազմված նոր զարդերի երևան գալը նշանավորում են երկաթի լայն տարածման ժամանակաշրջանի ավարտական փուլը՝ մ.թ.ա. VII-VI դարերը:

КУЛЬТУРА НЕКРОПОЛЯ КУЧАК 1 (IX-VI вв. до н. э.)

ПЕТРОСЯН Л. А.

Резюме

Некрополь Кучак 1 находится на территории марза Арагацотн, в 5 км к северу от села Кучак. На месте некрополя в настоящее время простираются пахотные земли. Некоторые погребения сохранились на необработанных участках пахотных земель. Здесь на поверхности прослеживаются очертания в виде кромлеха (2,5-7 м). Погребение 21 датируется IX-VIII вв. до н.э., а 41 – концом железного века, VII-VI вв. до н.э.

THE CULTURE OF NECROPOLIS KUCHAK 1 (IX-VI cc. BC)

L. PETROSYAN

Abstract

The ancient site of necropolis Kuchak I is located in the north-eastern side of Kuchak village (province Aragatsotn), at a distance of 5 km from the village. Nowadays the cemetery is spread within the arable lands. The burials were preserved in the territories between cultivated fields and other uncultivated lands. The cromlechs (diam. 2.5-7 m) can be traced on the surface.

In this articles are discussed the tombs - 21 and - 41. The tomb - 21 is dated back to IX-VIII cc. BC and -N 41 belongs to the terminal phase of the Iron Age, i.e. VII-V cc. BC.

¹²⁵ Նույն տեղում, էջ 123: